



სსიპ-აკაკი წერეთლის სახელმწიფო უნივერსიტეტი

ბ რ ძ ა ნ ე ბ ა

№ 01-04/81

24-10-

2019 წ. 350

სსიპ აკაკი წერეთლის სახელმწიფო უნივერსიტეტის ბიზნესის, სამართლისა და სოციალურ მეცნიერებათა ფაკულტეტზე შიდასაფაკულტეტო საგრანტო კონკურსის გამოცხადების შესახებ

„სსიპ აკაკი წერეთლის სახელმწიფო უნივერსიტეტის ბიზნესის, სამართლისა და სოციალურ მეცნიერებათა ფაკულტეტზე შიდასაფაკულტეტო საგრანტო კონკურსის გამოცხადებისა და ჩატარების წესის დამტკიცების შესახებ“, აწსუ-ს წარმომადგენლობითი საბჭოს 2018 წლის 26 ივნისის №193 დადგენილების საფუძველზე

ებრძანებ:

1. გამოცხადდეს სსიპ აკაკი წერეთლის სახელმწიფო უნივერსიტეტის ბიზნესის, სამართლისა და სოციალურ მეცნიერებათა ფაკულტეტზე შიდასაფაკულტეტო საგრანტო კონკურსი;
2. შიდასაფაკულტეტო საგრანტო კონკურსის მიმართულებები, პროექტის შეფასების კრიტერიუმები და კონკურსთან დაკავშირებული სხვა პირობები განსაზღვრულია „სსიპ აკაკი წერეთლის სახელმწიფო უნივერსიტეტის ბიზნესის, სამართლისა და სოციალურ მეცნიერებათა ფაკულტეტზე შიდასაფაკულტეტო საგრანტო კონკურსის გამოცხადებისა და ჩატარების წესი“-ს შესახებ აწსუ-ს წარმომადგენლობითი საბჭოს 2018 წლის 26 ივნისის №193 დადგენილებით;
3. გამოცხადდეს საგრანტო კონკურსის საკონკურსო დოკუმენტაციის მიღება 2019 წლის 4 ნოემბრიდან 11 ნოემბრის ჩათვლით (შაბათ-კვირის გარდა), 10⁰⁰სთ.-დან 16⁰⁰სთ.-მდე, მისამართზე: ქ. ქუთაისი, თამარ მეფის №59, აწსუ-ს I კორპუსი, აუდ. №1202. საკონკურსო დოკუმენტაციას სარეგისტრაციოდ წარადგენს მხოლოდ პროექტის ხელმძღვანელი.
4. საგრანტო დაფინანსების საერთო ბიუჯეტის მოცულობა განისაზღვროს 30 000 (ოცდაათი ათასი) ლარის ოდენობით;
5. საპროექტო განაცხადის დოკუმენტაცია უნდა ჩაბარდეს როგორც ნაბეჭდი, ასევე ელექტრონული სახით მყარ დისკზე (CD/DVD), რომელიც ელექტრონულად აიწყობა Word-ს დოკუმენტში, A4

ფორმატის ფურცლის ზომებში, არე მარცხნიდან - 3 სმ, ზევიდან - 2 სმ, ქვევიდან - 2 სმ და მარჯვნიდან - 2 სმ. ტექსტის სტრიქონებს შორის ინტერვალი 1.15 (Single), სათაურებსა და ტექსტს შორის, ცხრილებსა და ტექსტს შორის დასაშვებია უფრო მაღალი ინტერვალი; დოკუმენტის შრიფტი - Sylfaen, ზომა - 12;

6. პროექტების შეფასება შიდასაფაკულტეტო კომისიის მიერ განხორციელდეს 2019 წლის 13-14 ნოემბრის ჩათვლით, ხოლო 2019 წლის 15 ნოემბერს გამოცხადდეს კონკურსის პირველი ეტაპის შედეგები;
7. კონკურსის პირველი ეტაპის შედეგების აპელაციის პერიოდად განისაზღვროს 2019 წლის 18-19 ნოემბერი, ხოლო აპელაციის შედეგები გამოცხადდეს 20 ნოემბერს. სააპელაციო განაცხადს წარადგენს და სააპელაციო განაცხადის განხილვაში მონაწილეობს მხოლოდ პროექტის ხელმძღვანელი.
8. კონკურსის პირველი ეტაპის საბოლოო შედეგების მიხედვით, დამოუკიდებელ ექსპერტთა ჯგუფის მიერ პროექტების შეფასება განხორციელდეს 2019 წლის 22-25 ნოემბერს, ხოლო 2019 წლის 26 ნოემბერს გამოცხადდეს კონკურსის მეორე ეტაპის შედეგები;
9. კონკურსის მეორე ეტაპის შედეგების აპელაციის პერიოდად განისაზღვროს 2019 წლის 28 ნოემბერი. სააპელაციო განაცხადს წარადგენს და სააპელაციო განაცხადის განხილვაში მონაწილეობს მხოლოდ პროექტის ხელმძღვანელი.
10. კონკურსის საბოლოო შედეგები გამოცხადდეს 2019 წლის 29 ნოემბერს;
11. გრანტის მიმღებთან ხელშეკრულების გაფორმება განხორციელდეს 2019 წლის 2 დეკემბრიდან 6 დეკემბრის ჩათვლით;
12. გამარჯვებული საგრანტო პროექტ(ებ)ის განხორციელება დაიწყოს 2019 წლის 9 დეკემბერს;
13. კონკურსის შესახებ ინფორმაცია („სისპ აკაკი წერეთლის სახელმწიფო უნივერსიტეტის ბიზნესის, სამართლისა და სოციალურ მეცნიერებათა ფაკულტეტზე შიდასაფაკულტეტო საგრანტო კონკურსის გამოცხადებისა და ჩატარების წესი“, „პროექტის სააპლიკაციო ფორმა“ და „პროექტის ბიუჯეტის ფორმა“) გამოქვეყნდეს აწსუ-ს ვებგვერდზე (<http://atsu.edu.ge>) და უნივერსიტეტის საინფორმაციო დაფაზე.
14. ბრძანება ძალაშია ხელმოწერისთანავე.

საფუძველი: ბიზნესის, სამართლის და სოციალურ მეცნიერებათა ფაკულტეტის 2019 წლის 21 ოქტომბრის №2 საბჭოს გადაწყვეტილება „შიდასაფაკულტეტო საგრანტო კონკურსის“ გამოცხადების შესახებ.

რექტორი:



როლანდ კოპალიანი

დეკანი:

ნ. ჭიჭილაძე



ნანა შონია